


罪業報應教化  
龍王兄弟經  
長者青悅經  
地獄經

二百八十六  
辭九

49630  
2





三經同卷九

罪業報應教化地獄經

龍王兄弟經

長者音悅經

佛說罪業應報教化地獄經

後漢安世高譯

如是我聞一時佛住王舍城耆闍崛

菩薩摩訶薩及聲聞眷屬俱亦與比

丘優婆塞優婆夷及諸天龍鬼神等皆悉集會

爾時信相菩薩白佛言今有地獄餓鬼畜生

奴婢貧富貴賤種類若干唯願世尊具演說

法若有衆生聞佛說法如孩子得母如病得

辭





醫如裸得衣。如闇得燈。世尊說法利益衆生。亦復如是。

今時世尊觀時已至。見斯菩薩勸請懇懃。即放眉間白毫相光。照于世界地獄。休息苦痛。安寧。今時一切受罪衆生。尋佛光明來詣。佛所。遶佛七匝。為佛作禮。勸請世尊敷演道化。今此衆生得蒙解脫。

今時信相菩薩為諸衆生而作發起。前白佛言。世尊。今有受罪衆生。為諸獄卒剉確斬身。從足斬之。乃至其頂。斬之已訖。旋風吹活。而復斬之。何罪所致。佛言。以前身時坐齋日殺生。不信三尊。不孝父母。屠兒魁膾。斬截衆生。

故獲斯罪

第二復有衆生身體頑痺眉鬚墮落舉身洪爛鳥栖鹿宿人跡永絕玷汙親族人喜見名為癩病何罪所致佛言以前世時坐不信三尊不孝父母破壞塔寺剝脫道人斫射賢聖傷害師長常無返復背恩忘義常行苟且

姪匿所尊不避親踈無有羞恥故獲斯罪  
第三復有衆生身體長大聾駃無足宛轉腹行唯食泥土以自活命為諸小虫之所啖食常受此苦不可堪處何罪所致佛言以前世時坐為人自用不信好言善語不孝父母反戾時君若為帝王大臣四鎮方伯州郡令長



里禁督護恃其威勢侵奪民物無有道理使  
民苦悴呼嗟而行故獲斯罪

第四復有衆生兩目盲瞎都無所見或抵樹  
木或陷溝坑於時死已更復受身亦復如是  
何罪所致佛言以前世時坐不信罪福障佛  
光明縫鷹眼合籠繫衆生皮囊盛頭不得所  
見故獲斯罪

第五復有衆生蹇吃瘖瘂口不能言若有所  
說閉目舉手乃不言了何罪所致佛言以前  
世時坐誹謗三尊輕毀聖道論他好醜求人  
長短強誣良善憎嫉賢人故獲斯罪

第六復有衆生腹大項細不能下食若有所

食變成膿血何罪所致佛言以前世時偷盜  
僧食或為大會福食屏處偷噉悋惜己物但  
貪他財心常行惡與人毒藥氣息不通故獲  
斯罪

第七復有衆生常為獄卒燒熱鐵釘釘人百  
節骨頭釘之已訖自然火生焚燒其身悉皆  
焦爛何罪所致佛言以前世時坐為針炙醫  
師針人身體不能差病枉取他物使受苦痛  
令他苦惱故獲斯罪

第八復有衆生常在鑊湯中為牛頭阿傍以  
三股鐵叉內著鑊中煮之令爛還復吹活而  
復煮之何罪所致佛言以前世時信邪倒見



祠祀鬼神屠殺衆生湯灌搯毛鑊湯煮之不  
可限量故獲斯罪

第九復有衆生常在火城中煆煨齊心四門  
俱開若欲趣向門即自閉東西馳走不能自  
免爲火燒盡何罪所致佛言以前世時坐焚  
燒山澤火燒雞子燒他村陌燒諸衆生身爛  
皮剝故獲斯罪

第十復有衆生常在雪山中爲寒風所吹皮  
肉剝裂求死不得何罪所致佛言以前世時  
坐橫道作賊剝脫人衣使冬月之日令他凍  
死或復生剝牛羊皮痛不可堪故獲斯罪

第十一復有衆生常在刀山劔樹上若有所



捉即便割傷枝節斷壞何罪所致佛言以前  
世時屠殺為業烹害眾生屠割剝切骨肉分  
離頭脚星散懸於高格稱量而賣或復生懸  
眾生苦痛難處故獲斯罪

第十二復有眾生五根不具何罪所致佛言  
以前世時坐飛鷹走狗彈射禽獸或斷其頭  
或斷其足生搯鳥翼故獲斯罪

第十三復有眾生攣臂背偻腰臃不隨脚踏  
手折不能操涉何罪所致佛言以前世時坐  
為人慳剋行道安槍或安射戈羅施張弮穿  
陷墜眾生傷損非一故獲斯罪

第十四復有眾生常為獄卒桎梏其身不得

免脫何罪所致佛言以前世時坐網捕衆生  
籠枷鎖繫而畜或爲帝主令長貪取民錢財枉  
繫良善怨酷呼天不得從意故獲斯罪

第十五復有衆生或癩或狂或癡或騃不別  
好醜何罪所致佛言以前世時坐躄荒嗜酒  
無有度量飲酒醉亂犯三十六失後得癡身

如似醉人不識尊卑好醜故獲斯罪

第十六復有衆生其形甚小陰藏甚大挽之  
身疲皆復進引行步坐卧以之爲妨何罪所  
致佛言以前世時坐治生販賣自譽己物毀  
辱他物矯升弄斗躡秤前後欺誑於人故獲斯罪  
第十七復有衆生男根不具爲黃門身不得



娶妻何罪所致佛言以前世時坐喜犍象馬  
牛羊猪狗不可稱數令此衆生苦痛難忍死  
而復蘇故獲斯罪

第十八復有衆生從生至老無有兒子孤立  
獨存何罪所致佛言以前世時坐爲人暴惡  
不信罪福百鳥產乳之時賣持瓶器順大水  
渚求拾鴻鵠鸚鵡鵝鴈諸鳥子卵擔歸煮噉  
諸鳥失子悲鳴叫裂眼中血出故獲斯罪

第十九復有衆生少小孤寒無有父母兄弟  
爲他作使辛苦活命長大成人橫羅殃禍縣  
官所縛繫閉牢獄無人追餉飢窮困苦無所  
告及何罪所致佛言以前世時坐喜捕拾鷓鴣

鷹鶴鴉鷄熊羆虎豹枷鎖而畜孤此衆生父母兄弟常恒憂念悲鳴叫裂哀感人心不能供食常苦飢餓骨立皮連求死不得故獲斯罪第二十復有衆生其形甚醜身體黑如漆兩耳復青頭頰俱培胞面平鼻兩眼或黃赤牙齒踈以口氣腥臭矧短擁腫大腹凸髓脚復繚屐偻脊曲肋費衣健食言語失則行步勤貧惡瘡膿血水腫乾消疥癩癰疽種種諸惡集在其身雖親附人人不在意若他作罪橫羅其殃永不見佛永不聞法永不識僧何罪所致佛言以前世時坐爲子不孝父母爲臣不忠其君爲君不敬其下朋友不以其信鄉



黨不以其齒。朝廷不以其爵。趣爲趣。作心意顛倒。無有其度。不信三尊。殺君害師。伐國掠民。攻城破塢。偷寨過盜。惡業非一。美已惡人。侵凌孤老。誣謗賢善。輕慢尊長。欺誑下賤。一切罪業。皆具犯之。衆惡集報。故獲斯罪。

尔時一切受罪衆生。聞佛作如是說。號泣動地。淚下如雨。而白佛言。唯願世尊。久住說法。化我等輩。令得解脫。佛言。若我久住。德薄之人。不種善根。謂我常在。不念無常。善男子。譬如孩兒。母常在側。不生難遭之想。若母去者。便生渴仰。思戀之心。母方還來。乃生歡喜。善男子。我今亦復如是。知諸衆生。善惡業緣。受

報好醜故般涅槃于時世尊即於罪衆生前  
而說偈言

水流不常滿

火盛不久然

日出須臾沒

月滿已復缺

尊榮豪貴者

無常復過是

念當勤精進

頂禮無上尊

尔時世尊說斯偈已諸受罪衆生白佛言世

尊作何善行得離斯苦佛言當勤孝順父母

敬事師長歸奉三尊勤行布施持戒忍辱精

進禪定智慧慈悲喜捨怨親平等同已無二

不欺孤老不輕下賤護彼如己汝等若能如

是修行則爲已得報佛之恩永離衆苦說是

經已菩薩摩訶薩即得阿耨多羅三藐三菩




提聲聞緣覺即得六通三明具八解脫有得  
法眼淨者若有衆生得聞是經不墮三塗八  
難之處地獄休息苦痛安寧信相菩薩白佛  
言當何名此經云何奉持佛告信相菩薩善  
男子此經名爲罪業應報教化地獄經當奉持  
之廣令流布功德無量諸天大衆聞經歡喜五

體投地作禮奉行

罪業應報教化地獄經

佛說龍王兄弟經

吳月支優婆塞支謙譯





聞如是一時佛在舍衛國祇洹阿難邠坻阿  
藍時有無央數比丘僧皆阿羅漢也阿難邠  
坻至佛所作禮却坐佛言人當布施持戒忍  
辱精進禪定智慧阿難邠坻聞之歡喜即起  
白佛明旦請佛及比丘僧降德到舍設鹿食  
佛默然阿難邠坻遶佛三匝而去佛告比丘  
僧旦日當上天投日中下會阿難邠坻舍佛  
如伸臂頃即住虛空中羅漢名須檀正衣服  
於虛空中長跪白佛我恒上下未嘗冥如今  
日也佛言有兩龍王瞋恚作變吐氣為雲故  
也復有羅漢名愛波白佛欲行止之佛言此  
龍大有威神汝行者必當興惡意出水沒殺

天下人民大目憊連復正衣服長跪虛空中  
問佛今日以冥不復見須彌山帝釋宮殿下  
已質樹子佛言有兩龍王一名難頭二名和  
難大瞋恚言何等沙門欲飛過磨我頭上龍  
身繞須彌山七帀以頭覆其上吐氣出霧故  
冥目連白佛往呵止之佛言大善目連繞佛  
三帀而行釋提桓因從八万八千玉女於後  
園相娛樂目連先過其所天帝迎之稽首作  
禮相問訊已乃到龍所兩龍見之大怒便變  
化出烟須臾復出火目連以佛意亦變化烟  
火繞兩龍三重稍前分身入兩龍身中右目  
入左目出左目入右目出右耳入左耳出左



耳入右耳出復入右鼻左鼻出入左鼻右鼻  
出飛入其口中兩龍謂目連在腹中也目連  
亦復作龍身繞兩龍十四重以頭覆須弥及  
兩龍兩龍於下悚慄延動須弥山以尾搏扇  
海水百獸震怖佛遙告目連此龍今當能出  
水沒壞天下汝且慎之目連言我從佛聞知  
此法我有四神足當信持行之我能取是兩  
龍及須弥山著掌中跳越他方天下亦能磨  
須弥山令碎如塵復能磨及須弥山及下地  
令万民不覺之兩龍恐懼稽首日連復沙門  
身兩龍化作人爲目連作禮悔過目連將至  
佛所兩龍言我迷狂惑不知尊神觸犯雷震

哀原其罪便受五戒而去阿難邠坻到精舍  
索佛及比丘僧了不見一人便長跪白佛飯  
具已嚴辦佛可自屈佛即下到其舍飯已阿  
難邠坻言我求佛不見佛從何所來佛言目  
連與兩龍王共諍適從天上來下問誰勝者  
佛言目連阿難邠坻言善哉善哉此龍持戒  
堅強失之豪數罪至於龍威神尊重目連迺  
臣伏之乎我從今日始請佛及比丘僧宣揚  
目連功德佛呪願迦羅越阿難邠坻汝前後  
飯食得道人善鬼神當擁護汝家皆令安隱  
阿難邠坻作禮而去



龍王兄弟經



長者音悅經

吳月支優婆塞支謙譯

聞如是一時佛在羅閱祇耆閣崛山中與尊  
弟子千二百五十人俱及諸菩薩清信士女  
一切普會圍遶說法佛告大衆彼有長者名  
曰音悅財富無數年老無子以爲愁感雖其  
然者宿福所追其報有四一者夫人產男端  
正無比二者五百白馬同時生駒三者國王  
遣使者拜授金印四者五百寶船同時俱至  
阿難白佛何等寶船而俱至乎佛告阿難長



者音悅群族殊多先此之時遣五百人乘舩  
入海旣獲衆寶安隱還家是故如來說此四  
福同時普集長者歡喜心自念言天降福祚  
集我之庭當作甘饌室族相慶即如所言興  
作大廚娛樂盡歡鼓樂絃歌聲聞于天是時  
四大天王釋梵天王諸龍鬼王阿須倫王一  
切神王各與眷屬側塞虛空看此長者福德無  
量如來神達知此長者歡喜踊躍因其歡悅  
欲往稱歎若其開解可植福栽如來應時歌  
誦吉祥八種之音往於門外而說頌曰

長者今日 吉祥集至 一切福應 室族吉利  
昔所植福 其報有四 大小歡悅 世間無比

諸天龍神咸爲降伏 使哉長者 猥獲吉福  
如春種禾 秋則成熟 先作後受 影報隨逐  
尔時長者聞佛德音五情逸豫歡喜而出見  
佛恭肅即便啓言瞿曇沙門實爲神妙知我  
室族吉祥無量枉屈尊神來相讚歎即以好  
白氎真金千万兩奉上如來佛即受之而爲  
達觀佛告長者財有五危世人不知慳悋貪  
惜不能減割以周窮乏壽終神逝棄財世間  
汝今能尔必獲影報所生之處福自歸身長  
者白佛何等五危佛即報言一者大火燒之  
不覺二者大水漂沒無常三者縣官奪取無  
道四者惡子用度無限五者盜賊所見劫奪



五事一至不可抑制譬如有人違犯王法閉  
在牢獄應當誅戮財物沒入其官豈復能却  
之乎又復譬如阿難邠坻財寶無數國王奪  
取主不能制亦非神龍所能止之所以者何  
以其前世布施七悔是以今世七富七貧長  
者音悅益增踊躍於是如來忽然還到耆闍

### 崛山

尔時國內有尼犍異道人名曰不蘭迦葉聽  
聞如來詣長者家歌頌一偈猥得長者千万  
兩金心懷憎嫉心即念言瞿曇沙門尚能得  
金况我往乞當不得乎又自念言我當往求  
瞿曇沙門所可說偈然後往乞必得珍寶嗟

歎之宜當勝瞿曇不蘭迦葉懷此愚癡妬嫉  
之意而往稽首問訊如來長跪白佛薄德無  
福衣食不充傳聞瞿曇詣長者家歌頌一偈  
大得珍寶寧可哀憐賜所說偈令吾諷誦當  
往咨嗟冀望得寶如來三達知此長者却後  
一時財寶當散不蘭迦葉不知時宜遭厄之  
家而說吉祥必得長者無量杖痛如來告言  
不惜此偈所以者何汝不知時耶。卿說此偈  
必得楚痛是故如來違卿所求若更欲得應  
時之說絕妙之句吾當與汝旣使長者得聞  
真言又可免於捶毒之痛不蘭迦葉心自念  
言瞿曇沙門不欲令我往乞珍寶是故悋惜



不肯與我即便重啓其於與我焉知餘事如  
來慈愍諫之滿三終不信解佛亦預知不蘭  
迦葉前世因緣應受此痛如來又云罪不可  
債佛即爲說吉祥之偈尼捷諷誦一歲乃諳  
然後長者失火燒舍珍奇了盡五百馬駒同  
時燒死所生妙子一旦終亡王遣使者錄奪

金印後復乘船入海採寶安隱來還泊岸數  
日五百寶船一旦漂沒室族大小無不愁毒  
譬如有人而被誅戮未死之頃愁怖難言其  
日不蘭迦葉往到其門歌頌如來吉祥之偈  
長者今日吉祥集至一切福應室族吉利  
昔所植福其報有四大小歡悅世間無比

諸天龍神咸爲降伏。快哉長者。猥獲吉福。如春種禾。秋則成熟。先作後受。影報隨逐。於是不蘭迦葉說此偈時。長者聞之。舉門忿恚。天下凶殃無過於我。云何此人裸形無耻。在此妖蠱說我吉祥。益我憂煩。即出捶打。從頭至足。無不被患。舉身大痛。匍匐還家。六師宗等逆問其意。荅言。此變正由瞿曇內不自剋。反怨世尊。今時世尊在羅閱祇竹園之中。與諸大衆圍遶說法。佛告衆會。不蘭迦葉前從如來求索。一偈欲誦。長者歌頌求寶如來。諫之。其於不信。今已在彼遭痛毒患。阿難白佛。不蘭迦葉與此長者。有何因緣而被此患。



佛告阿難乃昔久遠不可計數阿僧祇劫時  
有國王亦名音悅復有一鳥名曰鸚鵡在王  
宮上鳴聲和好王時晝寢聞鳥鳴聲驚覺問  
其左右此爲何鳥鳴聲妙好侍者白言有一  
奇鳥五色焜煌適在宮上鳴已便去王即遣  
大衆步騎駱驛逐而求之推尋殊久捕得與  
王王得歡喜愛樂無厭即以珠璣水精琉璃  
眞珠珊瑚瓔珞其身頭頸羽翮無不周遍常  
著左右晝夜看視不去須臾

後復有鳥名曰禿梟來在宮上看見鸚鵡獨  
得優寵即問鸚鵡何緣致此鸚鵡荅言我來  
宮上悲鳴殊好國王愛敬於我取我常著左

右五色珠璣瓔珞我身禿梟聞之懷嫉妬心  
即念言我亦當鳴令殊於卿國王亦當愛寵  
我身王時出卧禿梟即鳴王即驚覺惱然毛  
豎如畏怖狀王問左右此爲何聲驚動怖我  
侍者白言有惡聲鳥名曰禿梟王即恚曰促  
遣大衆分布推索即得與王王令左右生拔  
毛羽舉身大痛步行而去到其野田衆鳥問  
言何緣置此禿梟瞋恚不責己身答衆鳥言  
正坐鸚鵡故得此患佛言善聲招福惡聲置  
禍罪報由已反怒鸚鵡

佛告阿難昔國王者今長者音悅是鸚鵡者  
我身是禿梟者今不蘭迦葉是昔嫉鸚鵡即



被毒患今嫉如來獲痛難言貪嫉燒身何況  
苦難所以者何不蘭迦葉誹謗如來前後六  
事何等爲六一者在於難國興貪嫉心誹謗  
如來二者於羅閱祇以竹園故誹謗如來三  
者在羅閱祇詣長者音悅家貪其金寶誹謗  
如來四者於摩竭提界貪於供養誹謗如來五  
者在維耶離國貪名利養誹謗如來六者在  
舍衛國貪於利養及惜名稱誹謗如來于時  
國王駭逐出國不蘭迦葉六師徒衆等同心  
說言瞿曇實神莫不敬重吾等術淺名稱崩  
頹處處見忽當用活爲即時以沙而著瓶中  
自沉于水於是壽命終即入地獄考治一切

罪苦痛無量佛重告汝當來末世多有會嫉弊  
惡之人誹謗貢高相求長短是則自燒痛哉  
阿難是故汝當廣宣斯經以護將來如斯之  
當阿難白佛言長者音悅昔植何德獲此四  
福何所罪行而復失之佛告阿難音悅前世  
爲年少時欽戴佛法及與聖衆供養盡忠而  
願豪富納妻之後專迷著色違慢三寶又無  
慈心仁接長幼是故報應適畢便散汝開導  
宣告令知其要佛說此已四部弟子天龍鬼  
神國王臣民一切衆會聞經歡喜莫不作禮

長者音悅經九

辭



挨古族字猥反鳥每上音達反下音抑上力制反開上意

閑下閑字非誅戮上竹朱反初近反七淨乃閣下力下正開反

反裸形胡反反下媛下音盍下音野古用匍下音匍上音

蒲下蒲焜上音皇反駱上音驛下音亦捕音羽

比反翻下閑反秃鼻上他谷反色崩下音頽下音正作隳反

懔色音罪業報應教化地獄經

剗下音碓上七對反魁下音膾上苦回反頑下音痺下必姪反

匿下力反聾駮下語啞上音食反禁下音督下音盲音瞎音

下許陷上咸溝下音誣無音屏上音鷹上音于音逢下音蹇音吃音

上居輦反誣無音屏上音鷹上音于音逢下音蹇音吃音

害古上反格古客孿下音臂上音煨上音烏上音回反背下音僂下音

注腰寬寬下正作音脚下必操上音涉上音力反惜下音

剋反上千感也槍反七羊射窠下苦張涼下渠桎梏

古篤反質下抄劫上楚怨酷上音窵下挽音販

賣上方反矯升上居躡秤上女捷反居言水

渚下之反鴻鵠下胡餉反詩尚寨才瘥鵓鵒上舉

羊御反下熊羆上音雄俱培下音胞反蒲貞

又反座短上正作魁朕寬上徒結反醜繚

戾上帝反了下曲肋下音貨他代癰疽反下紆恭

徐掠民上力向友塢一古

龍王兄弟經

邠上布中反悚慄上息勇反搏扇上音跣

越上音迺字同用



